

midio interiore areolae minoris, vitta juxta venam brachialem eamque extus terminante limboque externo infra maculam ad apicem cunei obscurius nigris, hac macula parteque externa areolae minoris hyalinescentibus. Pectus albo-squamosum. Pedes nigri, femoribus posticis margine superiore apicem versus setis 4—5 rigidis nigris ornatis, tibiis fusco-nigris, nigro-spinulosis.

### 5. *Orthocephalus Ferrarii* REUT.

*Diagn.*: Niger, sat nitidus, superne nigro-setosus, setis hemielytrorum semiadpressis, pilis squamiformibus facile divellendis albis tectus; tibiis anterioribus ferrugineis, apice late nigris, posticis totis nigris vel nigro-fuscis, feminae interdum basin versus ferrugineis; vertice obsolete vel obsoletissime marginato, oculo dimidio — fere  $\frac{2}{3}$  ( $\sigma$ ) vel paullo magis quam duplo ( $\varphi$ ) latiore, saepe utrinque guttula ferruginea notato; antennis articulo secundo utriusque sexus versus apicem leviter incrassato, latitudine basali pronoti saltem  $\frac{1}{5}$  ( $\sigma$ ) vel  $\frac{1}{4}$  ( $\varphi$ ) longiore, tertio secundo circiter  $\frac{1}{4}$ — $\frac{1}{6}$  brevior ( $\sigma$ ); pronoto et scutello sub-laevibus, hemielytris utriusque sexus totis nigris. Long.  $\sigma$   $5\frac{3}{4}$ —6,  $\varphi$  brach.  $4\frac{1}{2}$  mm.

*Hab.* in Italia (Stazzano!), D. Prof. FERRARI; Hungaria meridionalis, (Al-Duna!), D. Dr. HÖRVÁTH.

*Descr.*: *O. saltator* HAHN simillimus, colore tibiarum posticarum, oculis distincte majoribus, antennarum articulo secundo distincte longiore et praecipue feminae graciliore divergens. Ab *O. nigro* REUT. tibiis anterioribus ferrugineis, vertice obsoletius marginato angustiore, antennarum articulo secundo latitudine basali pronoti distincte longiore distingvendus. Corpus oblongum ( $\sigma$ ) vel ovatum ( $\varphi$  brach.), nigrum, sat nitidum, superne nigro-setosum, pilis albis facile divellendis vestitum. Caput basi pronoti  $\frac{1}{4}$  angustius ( $\sigma$ ) vel huic aequale latum vel paullo latius ( $\varphi$ ), nigrum, solum vertice utrinque guttula parva obsolete ferruginea; vertice minus fortiter declivi, postice obsolete marginato, clypeo a fronte haud prominente, basi parum impresso in linea inter bases antennarum ducta ( $\sigma$ ) vel paullo infra hanc ( $\varphi$ ) posita, loris praecipue maris discretis, gula sat longa. Oculi magni, prominentis. Rostrum apicem mesosterni paullo superans, nigropiceum, articulo primo interdum ferrugineo. Antennae ad ipsum apicem oculorum ( $\sigma$ ) vel mox infra hunc ( $\varphi$ ) interne insertae, articulo primo apicem clypei attingente ( $\sigma$ ) vel subattingente ( $\varphi$ ), secundo versus apicem sensim leviter incrassato, latitudine postica pronoti saltem  $\frac{1}{5}$  ( $\sigma$ ) vel  $\frac{1}{4}$  ( $\varphi$ ) longiore, tertio secundo circiter  $\frac{1}{4}$  brevior. Pronotum basi longitudine minus quam duplo latiore ( $\sigma$  et  $\varphi$ ), versus apicem leviter declive ( $\sigma$ ) vel horizontale ( $\varphi$ ), laeve, callis minus distincte discretis. Hemielytra tota nigra, maris parallela, abdomen longe superantia, membrana obscure fumata, macula ad apicem cunei hyalinescente; feminae medium segmenti quinti dorsalis superantia, apice versus suturam oblique truncata, cuneo incisura laterali distincta. Pedes nigri, tibiis anterioribus ferrugineis, apice sat late nigris, posticis totis nigris vel nigro-fuscis.